

3月15日20:00。夜读庾信。CH：中国的中世

以下编目顺序据逯钦立《先秦汉魏晋南北朝诗·北周诗》卷三、四

1、【奉和示内人诗】

燃香郁金屋。吹管凤凰台。春朝迎雨去。秋夜隔河来。听歌云即断。闻琴鹤倒回。在窗刻凤下。寒壁画花开。定取流霞气。时添承露杯。（○本集三。庾开府诗集上。《诗纪》百十六。）

2、【奉和赵王美人春日诗】

直将刘碧玉。来过阴丽华。祇言满屋里。并作一园花。新藤乱上格。春水漫吹沙。步摇钗梁动。红输被（本集、文苑作轮帔。诗集、《诗纪》并云。一作轮帔。）角斜。今年逐春处。先向石崇家。（○本集三。文苑英华二百十三。庾开府诗集上。《诗纪》百十六。）

3、【奉和赵王春日诗】

城傍金谷苑。园里凤凰池。细管调歌曲。长衫教舞儿。向人长曼（诗集、《诗纪》并作眼。）脸。由来薄面皮。梅花绝解作。树叶本能吹。香烟龙口出。莲子帐心垂。莫畏无春酒。须花但见随。（○本集三。庾开府诗集下。《诗纪》百十六。）

4、【岁晚出横门诗】

年华改岁阴。游客喜登临。据鞍垂玉帖。横腰带锦心。冰弱浮桥没。沙虚马迹深。倚弓依石岸。回床向柳阴。智琼来劝酒。文君过听琴。明朝云雨散。何处更相寻。（○本集三。庾开府诗集上。《诗纪》百十六。）

5、【园庭诗】

杖乡从物外。养学事闲郊。穷愁方汗简。无遇始观爻。谷寒已吹律。檐空更剪茆。樵隐恒同路。人禽或对巢。水蒲开晚结。风竹解寒苞。古槐时变火。枯枫乍落胶。倒屣迎悬榻。停琴听《解嘲》。香螺酌美酒。枯蚌藉兰肴。飞鱼时触钓。翳雉屡悬庖。但使相知厚。当能来结交。（○本集四。庾开府诗集上。《诗纪》百十六。）

6、【幽居值春诗】

山人久陆沈。幽迳忽春临。（《诗纪》作心。）决渠移水碓。开园（《诗纪》作窗。）扫竹林。欹桥久半断。崩岸始邪侵。短歌吹细笛。低声泛古琴。钱刀不相及。耕种且须深。长门一纸赋。何处觅黄金。（○本集四。庾开府诗集上。《诗纪》百十六。）

7、【有喜致醉诗】

忽见庭生玉。聊欣蚌出珠。兰芬犹载寝。蓬箭始悬弧。既喜枚（诗集作梅。）都尉。能欢陵大夫。频朝中散客。连日步兵厨。杂曲随琴用。残花听酒须。脆梨裁数实。甘查（诗集作粗。）唯一株。兀然已复醉。摇头歌凤雏。（○本集四。庾开府诗集上。《诗纪》百十六。）

8、【见游春人诗】

长安有狭斜。金穴盛豪华。连杯劝上马。乱果掷行车。深红莲子艳。细锦凤凰花。那能学吃酒。无处似栾巴。（○本集五。庾开府诗集上。《诗纪》百十七。）

9、【舟中望月诗】

舟子夜离家。开舫（《初学记》作船。）望月华。山明疑有雪。岸白不关沙。天汉看珠蚌。星桥视桂花。灰飞重晕阙。莫落独轮斜。（○本集五。《初学记》一。文苑英华百五十二。万花谷一作庾信诗。庾开府诗集下。《诗纪》百十七。）

10、【对雨诗】

繁云犹暗岭。积雨未开庭。阶含侵角路。瓖满溜疏萍。湿杨生细
榘。烂草变初萤。徒劳看蚁对。无事祀灵星。（○本集五。《类聚》
二。）

11、【喜晴诗】

比日思光景。今朝始暂逢。雨住（诗集作注。）便生热。云晴
（诗集作暗。）即作峰。（文苑误作风。）水白澄还浅。花红燥
（《初学记》作曝。）更浓。已欢无石燕。弥欲弃泥（文苑作土。诗
集作二。）龙。（○本集五。《初学记》二。文苑英华五十五。庾开
府诗集下。《诗纪》百十七。）

12、【杏花诗】

春色方盈野。枝枝绽翠英。依稀暎树坞。烂熳开山城。好折待宾
客。（《类聚》作旅。）金盘衬红琼。（○本集五。《类聚》八十七。
《诗纪》百十七。）